
ҲОЖИБЕК МАДРАСАСИ ТАНТАНАЛИ ОЧИЛДИ

"ҚЎҚОН САДОСИ" ГАЗЕТАСИ ХАБАРИГА ҚЎРА Қўқонда Ҳожибек мадрасаси капитал таъмирдан чиқарилиб, Мустақиллик байрами арафасида очилиш маррасими бўлиб ўтди.

Қўқон шаҳридаги Ҳожибек гузаридаги мадрасада лойиҳада кўзда тутилган бунёдкорлик ишлари ниҳоясига етиб, кўркам ҳолга келтирилди ва бугун фойдаланишга топширилди.

Очилиш маррасимида шаҳар нуронийлари, зиёлилар иштирок этдилар. Тадбирда "Нуроний" жамғармаси раиси Мазрур Абдуллаев, шаҳар бош имом-хатиби Абдулмажид қори Исақов ва бошқалар сўз олиб, тарихий йилларда илм-маърифат, зиё улашиш маскани бўлган бу мадраса келгусида ҳам халқимизга эзгулик йўлида хизмат қилишига тилак билдирдилар. Яхёхон домла Дадабоев барчага ушбу мадраса тарихи ҳақида батафсил маълумот берди.

Мадрасанинг ҳужралари, хонақоҳ ва айвони сақланиб қолган бўлиб, маҳоратли усталар асл ҳолига мос равишда таъмирладилар. Бухоро услубидаги меҳроби ҳам қайта тикланди. Ушбу тарихий обида Орифхон Жўраев раҳбарлигидаги "Тўлабой ёғдуси" МЧЖ уста-қурувчилари, ғиштчи-ю сирчиларининг меҳнатлари билан кўркам қиёфа касб этди. Бу мадраса реконструкция асносида аслига мос ҳолда қайта тикланди. Зиёрат истагида келадиганлар учун маиший хоналар (тахоратхона ва бошқа) ҳам қурилди. Мадраса ҳовлисига плита ётқизилди, ободонлаштириш, кўкаламзорлаштириш ишлари амалга оширилди.

Очилиш маррасимида сўз олганлар қурувчи-усталарга миннатдорчилик билдириб, бунёдкорлик ва яратувчилик ишларида муваффақиятлар тилашди. Бир пиёла чой устида суҳбатлашиб, халқимизга тинчлик, турмушимизга фаровонлик тилаб дуога қўл очдилар. Тадбир сўнггида Қуръон тиловат қилинди.

2019-09-03 11:30:19